

宗廟遷人之重寶血流千里暴骸滿野以贍貪主之欲非兵之

所為生也言兵為禁暴整亂設不為作亂生也故兵者所以討暴非所以為暴也

言兵討人之暴亂非所以自為暴亂也樂者所以致和非所以為淫也樂蕩人之邪志存人

之正性致其中和而已非所為自淫過也喪者所以盡哀非所以為偽也喪踊哭泣所以盡孝

子之哀情也非所以為詐偽佯哀戚而已也故事親有道矣而愛為務道孝道務在愛敬而親

朝廷有容矣而敬為上朝廷之容濟濟也父子主愛君臣主敬故以敬為上也處喪有禮

矣而哀為主處居也喪禮三年之禮也論語曰喪與其易也甯戚故曰以哀為主也用兵有術矣

而義為本術數也陰陽用之廢一不可誰能去兵兵之所由來久矣聖人以興亂人以亡廢興存亡昏本立而道行本傷而道廢本立義立

明之術也故曰以義為本喪也故曰道廢

喪也故曰道廢

道藏輯要

淮南鴻烈解

三

虛集七

主術訓上主君也術道也君之宰國統御臣下五帝三王以來無不用道而興故曰主術也因以題篇

入主之術處無為之事而行不言之教教令也謂不言而事辦也清靜而不

動一度而不搖因循而任下責成而不勞成辦而不自勞是故心知規

而師傅論導規謀也師者所從取法則也口能言而行人稱辭足

能行而相者先導相儀也耳能聽而執正進諫諫或作謀也其世子時也是故慮

無失策謀無過事過猶誤也言為文章行為儀表於天下為天下人所法則也

進退應時動靜循理不為醜美好憎不為賞罰喜怒名各自名

類各自類事猶自然莫出於已故古之王者冕而前旒所以蔽

明也冕王者冠也前旒前後垂珠飾遂筵也下自目故曰蔽明也天子玉縣十二公侯挂珠九卿點珠六伯子各應隨其

命數也也鞋續塞耳所以掩聰不欲其妄聞也鞋讀而買鞋益之鞋也天子外屏所以

自障屏樹垣也爾雅曰門內之垣謂之樹論語曰國君樹塞門諸侯在內天子在外故曰所以自障也故所理

者遠則所在者邇所治者大則所守者少夫曰妄視則淫耳妄

聽則惑口妄言則亂夫三關者不可不慎守也若欲規之乃是

離之言嗜欲有所規合乃是離散也若欲飾之乃是賊之飾好也賊敗也天氣為魂地

氣為魄反之立房各處其宅守而勿失上通太一太一之精通

於天道天道玄默無容無則大不可極深不可測測盡尚與人化

知不能得天道至大非人智慮所能得也昔者神農之治天下也神不馳於肖

中言釋神安靜不躁動也智不出於四域信身在中懷其仁成之心懷思甘雨時

降五穀蕃植蕃茂植長春生夏長秋收冬藏月省時考茂成歲終獻功

以時嘗穀嘗之新穀薦之明堂祀於明堂明堂之制有蓋而無四方風雨

道藏輯要淮南鴻烈解西虛集七

不能襲寒暑不能傷遷延而入之養民以公遷延猶倘佯也已說在本經也其

民樸重端慤端直也慤成也不忿爭而財足不勞形而功成因天地之

資而與之和同是故威厲而不殺刑錯而不用法省而不煩省約

也煩多也故其化如神其地南至交阯北至幽都幽冥之都東至暘谷日所

出也西至三危三危西極之山莫不聽從當此之時法寬刑緩囹圄空虛

而天下一俗其俗莫懷姦心末世之政則不然上好取而無量

下貪狼而無讓民貧苦而忿爭事力勞而無功智詐萌興盜賊

滋彰上下相怨號令不行執政有司不務反道矯拂其本而事

修其末治事削薄其德曾累其刑而欲以為治無以異於執彈而

來鳥擗稅而狎犬也亂乃逾甚益逾夫水濁則魚噞魚短氣出口於水喘息之

論也政苛則民亂言無聊也故夫養虎豹犀象者為之圈檻供其嗜欲

適其飢飽違其怒恚然而不能終其天年者刑有所劫也是以

上多故則下多詐故巧上多事則下多態上煩擾則下不定不定不知

從上多求則下交爭不直之於本而事之於末譬猶揚堞而弭

塵抱薪以救火也堞塵廢也楚人謂之堞堞動塵之貌弭止也故聖人事省而易治

求寡而易贍贍給不施而仁不言而信不求而得不為而成塊然

保真抱德推誠誠實天下從之如響之應聲景之像形其所修者

本也詹何曰未聞身治而國亂故曰其所修者本也刑罰不足以移風殺戮不足以禁

姦唯神化為貴至精為神夫疾呼不過聞百步志之所在踰於

千里踰猶通也冬日之陽夏之陰萬物歸之而莫使之然冬日人物歸陽夏日

道藏輯要淮南鴻烈解 五虛集七

猛物歸陰莫使之自然如是也故至精之像弗招而自來不麾而自往窈窈冥

冥不知為之者誰而功自成智者弗能誦辯者弗能形昔孫叔

敖恬臥而郢人無所害其鋒郢楚國都也孫叔敖楚大夫也蓋乘馬三年不知其牝牡言其賢也

但恬臥養德折衝千里之外敵國不敢犯害故郢人不舉兵出伐無所害其鋒於四方也市南宜遼弄丸而

兩家之難無所關其辭宜遼姓也名熊勇士居楚市南楚平王太子建為費無極所逐奔鄭鄭人殺之

其子勝在吳令尹子西召之以為白公請伐鄭以報讎子西許

之而未出師晉人伐鄭以報讎子西救之勝怒曰鄭人在此讎

不遠矣欲殺子西其臣石乞曰市南熊宜遼得之可以當五百

人乃往視之告其故不從舉之以劍而不動而弄丸不輟心志

不懼曰不能從子為亂亦不泄子之事白公遂殺鞅鞅鐵鎧瞋

目扼擊其於以御兵刃縣矣縣遠也比於券契束帛刑罰斧鉞

其於以解難薄矣薄於德也待目而照見待言而使令其於為治難

矣蘧伯玉為相子貢往觀之曰何以治國曰以弗治治之蘧伯玉衛

大夫蘧瑗也子貢衛人也簡子欲伐衛使是史黯往觀焉簡子

趙氏也史黯史還報曰蘧伯玉為相未可以加兵以其固塞險

阻何足以致之致猶勝也故臬陶瘖而為大理天下無虐刑有貴於

言者也雖瘖平獄理訟能得人師曠瞽而為太宰晉無亂政有

貴於見者雖盲而大治晉國使無故不言之令不視之見不言之令

臬陶瘖也不視此伏羲神農之所以為師也以用師法故民之化也

不從其所言而從所行之從其志意故齊莊公好勇不使鬪爭而

國家多難其漸至於崔杼之亂莊公齊靈公之子光崔杼傾襄

好色不使風議而民多昏亂其積至昭奇之難楚傾襄王昭奇楚大夫也故

道藏輯要 淮南鴻烈解 夫 虛集七

至精之所動若春氣之生秋氣之殺也雖馳傳驚置不若此其

亟亟疾故君人者其猶射者乎於此毫末於彼尋常矣故慎所以

感之也夫榮啟期一彈而孔子三日樂感於和鄒忌一微而威

王終夕悲感於憂微驚彈也威王齊宣王之父也在動諸琴瑟

形諸音聲而能使人為之哀樂哀威王也縣法設賞而不能移

風易俗者其誠心弗施也甯戚商歌車下桓公喟然而寤矣至

精入人深矣故曰樂聽其音則知其俗見其俗則知其化孔子

學鼓琴於師襄師襄魯樂而論文王之志見微以知明矣論教

鼓文王延陵季子聽魯樂而知殷夏之風論近以識遠也作之

上古施及千歲而文不滅况於並世化民乎湯之時七年旱以

身禱於桑林之際而四海之雲湊湊會也或作蒸蒸升也千里之雨至抱

質效誠感動天地神諭方外令行禁止豈足為哉古聖玉至精

形於內而好憎忘於外形見好憎情欲已充出言以嗣情發號以明旨陳

之以禮樂風之以歌謠業貫萬世而不壅貫通壅塞橫局四方而不

窮禽獸昆蟲與之陶化化從昆蟲或作鬼神又况於執法施令乎故太上

神化其次使不得為非其次賞賢而罰暴暴虐亂也

衡之於左右無私輕重故可以為平衡銓衡也繩之於內外無私曲

直故可以為正人主之於用法無私好憎故可以為命夫權輕

重不差蠹首蠹首猶微細也扶撥枉撓不失針鋒直施矯邪不私辟險

姦不能枉讒不能亂德無所立立見怨無所藏是任術而釋人心

道藏輯要

淮南鴻烈解

七

虛集七

者也故為治者不與焉治在道不在智故曰不與焉夫舟浮於水車轉於陸

此勢之自然也木擊折轄水戾破舟不怨木石而罪巧拙者御罪

者刺舟者之巧拙也知故不載焉言木石無巧詐故不怨也是故道有智則惑言道智則惑也

德有心則險心有目則眩眩於物也兵莫憐於志而莫邪為下寇莫

大於陰陽而抱鼓為小小細憐猶利也以志意精誠代人為利老子曰重積德則無不尅故以莫邪為

下也寇亦兵也推陰陽虛實之道為大故以抱鼓為小也今夫權衡規矩一定而不易不為

秦楚變節不為胡越改容常一而不邪方行而不流一日行之

萬世傳之而以無為為之言無所為為之為自為之故國有亡主而世無廢

道亡主桀紂是也湯武以其民主故曰無廢道也人有困窮而理無不通理道由此觀之

無為者道之宗宗本故得道之宗應物無窮任人之才難以至治

才湯武聖主也而不能與越人乘幹舟而浮於江湖也危險越

人習水自能乘之故湯武不能也一曰大舟也伊尹賢相也而不能與胡人騎駟馬而

服駟駟黃馬白腹曰駟詩曰四駟彭彭駟駟野馬也胡人所習伊尹雖賢不能與服也孔墨博通而不

能山居者入榛薄險阻也孔子也墨墨翟也聚木為榛深草為薄山居者所習故孔墨不能也阻

或作塗也由此觀之則人知之於物也淺矣而欲以徧照海内存萬

方不因道之數而專己之能則其窮不達矣故智不足以治天

下也桀之力別脩伸鉤索鐵欵金椎移大犧水殺鼃鼃陸捕熊

罷脩角也索絞也欵讀協然湯革車三百乘困之鳴條擒之焦門焦或作巢由

此觀之勇力不足以持天下矣智不足以為治勇不足以為強

則人材不足以明也而君人者不下廟堂之上而知四海之外

道藏輯要 淮南鴻烈解 六 虛集七

者因物以識物因人以知人也故積力之所舉則無不勝也眾

智之所為則無不成也埴井之無鼃鼃隘也園中無脩木小也

夫舉重鼎者力少而不能勝也及至其移徙之不待其多力者

故千人之羣無絕梁萬人之聚無廢功夫華騮綠耳一日而至

千里然其使之搏兔不如豺狼伎能殊也殊異鳴夜撮蚤蚊察分

秋毫晝日顛越不能見邱山形性詭也鳴鳴鶴也謂之老菟夜鳴人屋上也夜則目明

合聚人瓜以著其巢中故曰察分秋毫晝則無所見故曰形性詭也夫騰蛇游霧而動應龍乘雲

而舉獲得木而捷魚得水而驚疾故古之為車也漆者不畫鑿

者不斷工無二伎士不兼官各守其職不得相姦姦亂人得其宜

物得其安是以器械不苦而職事不媮苦讀監媮捕器媮讀慢緩之慢夫責少

者易償職寡者易守寡任輕者易權權上操約省之分下效易

為之功是以君臣彌久而不相厭厭君人之道其猶零星之尸

也尸祭主也尸食飽以知神之食亦飽詩曰公尸宴飲在宗載考儼然玄默而吉祥受福尸不

故曰玄默是故得道者不為醜飾不為偽善不飾為美亦不極為善也一人被之

而不喪喪萬人蒙之而不編蒙冒也編小也是故重為惠若重為暴則

治道通矣通猶順也為惠者而布施也無功而厚賞無勞而高爵則

守職者懈於官而游居者亟於進矣為暴者妄誅也無罪者而

死亡行直而受刑則修身者不勸善而為邪者輕犯上矣言不可不

也故為惠者生姦而為暴者生亂姦亂之俗亡國之風風化是故

明主之治國有誅者而主無怒焉因法而行故不怒也朝有賞者而君無

道藏輯要 淮南鴻烈解 九 虛集七

與焉因功而行故不與也誅者不怨君罪之所當也賞者不德上功之所

致也民知誅賞之來皆在於身也故務功修業不受贛於君贛物

是故朝廷蕪而無迹田野辟而無草故太上下知有之言太上之世下

知之人皆能有此術今夫橋直植立而不動俛仰取制焉橋枯皋上衡也植柱權衡者行

之俛仰取制於柱也以論君 人主靜漠而不躁躁百官得修焉譬而軍之持

麾者妄指則亂矣慧不足以大甯智不足以安危與其譽堯而

毀桀也不如掩聰明而反修其道也不足以大甯者小惠也如此

人者欲譽堯而毀桀以成善惡善惡之名人猶有強知之人耳

不如掩聰明而本修大道成名之速也人君之道亦如此也

清靜無為則天與之時廉儉守節則地生之財人君得行如此

也生之財天與之時湯武是也地生之財神農后稷也處愚稱德則聖人之為謀若伊尹為

為高宗謀是孟子曰伊尹之任國語曰是故下者萬物歸之虛
武丁以像旁求聖人得傳說於傅巖也

者天下遺之遺與夫人主之聽治也清明而不暗虚心而弱志是

故羣臣輻湊並進無愚智賢不肖莫不盡其能於是乃始陳其

禮建以為基建立也是乘眾勢以為車御眾智以為馬雖幽野

險塗則無由惑矣幽深也險猶遠也人主深居隱處以避燥溼閨門重

襲以避姦賊內不知閭里之情外不知山澤之形帷幕之外目

不能見十里之前耳不能聞百步之外天下之物無不通者通

其權輪之者大而斟酌之者眾也是故不出戶而知天下不窺

牖而知天道乘眾人之智則天下之不足有也專用其心則獨

身不能保也保猶守也是故人主覆之以德不行其智而因萬人之

道藏輯要 淮南鴻烈解 三 虛集七 888

所利夫舉踵天下而得所利故百姓之上弗重也錯之前而弗

害也舉之而弗高也推之而弗厭尊重舉之不自覺高也推求也奉也主道員者

運轉而無端端端化育如神虛無因循常後而不先也臣道員者

運轉而無方者論是而處當為事先倡守職分明以立成功也

是故君臣異道則治不易奪言相和同道則亂君所謂可臣亦曰可君所謂否臣亦曰否是同

也莫相臣弼故曰亂也各得其宜處其當則上下有以相使也君得君道臣得臣道

故曰得其宜也夫人主之聽治也虚心而弱意清明而不闇是故羣臣

輻湊並進無愚智賢不肖莫不盡其能者則君得所以制臣臣

得所以事君治國之道明矣交王智而好問故聖人好問欲與武人同其功

王勇而好問故勝勝夫乘眾人之智則無不任也用眾人之力

則無不勝也千鈞之重烏獲不能舉也千鈞一萬斤也烏獲秦武王之力士也武王試

其力使舉大鼎服脫而不任故曰不能舉也眾人相一則百人有餘力矣是故任一

人之力者則烏獲不足恃不能勝故不恃也乘眾人之制者則天下不

足有也人眾力强以天下為小故曰不足有也禹決江疏河以為天下興利而不

能使水西流稷辟土墾草以為百姓力農然不能使禾冬生豈

其人事不至哉其勢不可也夫推而不可為之勢而不修道理

之數推雖神聖人不能以成其功而况當世之主乎大載重而

馬羸雖造父不能以致遠造父周穆王之善御臣也車輕馬良雖中工可使

追速是故聖人舉事也豈能拂道理之數詭自然之性拂戾也詭違也

以曲為直以屈為伸哉未嘗不因其資而用之也資是以積力

道藏輯要 淮南鴻烈解 三 虛集七 六三川

之所舉無不勝也而眾智之所為無不成也聾者可令嚙筋而

不可使有聞也瘖者可使守圉而不可使言也形有所不周而

能有所不容也是故有一形者處一位有一能者服一事力勝

其任則舉之者不重也能稱其事則為之者不難也毋小大修

短各得其宜則天下一齊無以相過也聖人兼而用之故無棄

才人主貴正而尚忠忠正在上位執正營事營則讒佞姦邪無

由進矣譬猶方員之不相蓋而曲直之不相入入中夫鳥獸之不

可同羣者其類異也虎鹿之不同游者力不敵也是故聖人得

志而在上位讒佞姦邪而欲犯主者譬猶雀之見鷗而鼠之遇

狸也亦必無餘命矣是故人生之一舉也不可不慎也所任者

得其人則國家治上下和羣臣親百姓附從所任非其人則國

家危上下乖羣臣怨百姓亂故一舉而不當終身傷傷病也得

失之道權要在主是故繩正於上木直於下非有事焉非治也

使宜所緣以修者然也故人主誠正則直士任事而姦人伏匿矣

人主不正則邪人得志忠者隱蔽矣夫人之所以莫抓玉石而

抓瓜瓠者何也玉石堅抓不能入故不抓無得於玉石弗犯也使人主執正

持平如從繩準高下則羣臣以邪來者猶以卵投石以火投水

故靈王好細腰而民有殺食自飢也靈王蓋楚靈王殺食省食越王好勇而

民皆處危爭死越王勾踐由此觀之權勢之柄其以移風易俗矣堯

為匹夫不能仁化一里桀在上位令行禁止由此觀之賢不足

道藏輯要 淮南鴻烈解 三 虛集七

以為治而勢可以易俗明矣書曰一人有慶萬民賴之此之謂

也

天下多眩於名聲而寡察其實寡少也察明也是故處人以譽

尊處人隱居也以名譽見尊也而游者以辯顯游行之人以辯辭自顯達察其所尊顯無

他故焉人主不明分數利害之地而賢眾口之辯也治國則不

然然如是也言事者必究於法而為行者必治於官上操其名以責

其實臣守其業業以效其功效言不得過其實行不得踰其法

羣臣輻湊莫敢專君制事不在法律中而可以便國佐治必參

五行之陰考以觀其歸並用周聽以察其化不偏一曲不黨一

事是以中立而徧運照海內中正羣臣公正莫敢為邪公方正直百官

述職務致其公迹也主精明於上官勸力於下姦邪滅迹庶功

日進庶眾是以勇者盡於軍盡力於軍功也亂國則不然有眾咸譽者無

功而賞守職者無罪而誅主上闇而不明羣臣黨而不忠說談

者游於辯修行者競於往往自主益也上出令則非之以與法令所

禁則犯之邪以黨與非謗上為智者務為巧詐為勇者務於鬪

爭大臣專權下吏持勢朋黨周比以弄其上國雖若存古之人

曰亡矣且夫不治官職而被甲兵不隨南畝而有賢聖之聲者

非所以都於國也騏驥馱天下之疾馬也驅之不前引之不

止雖愚者不加體焉加猶止也今治亂之機轍迹可見也而世主莫

之能察此治道之所以塞塞猶閉也權勢者人主之車輿爵祿老人

道藏輯要 淮南鴻烈解 三 虛集七 八〇七

臣之嚮銜也是故人主處權勢之要而持爵祿之柄審緩急之

度而適取予之節是以天下盡力而不倦夫臣主之相與也非

有父子之厚骨肉之親也而竭力殊死不辭其軀者何也勢有

使之然也昔者豫讓中行文子之臣文子晉大夫中行穆子之子荀寅也智伯伐

中行氏并吞其地豫讓背其主而臣智伯智伯與趙襄子戰於

晉陽之下身死為戮國分為三韓魏趙三分有此之福也豫讓欲報趙襄

子欲為智伯報讎殺趙襄子漆身為厲吞炭變音擗齒易貌夫以一人之心

而事兩主或背而去或欲身徇之豈其趨捨厚薄之勢異哉人

之恩澤使之然也紂兼天下朝諸侯人迹所及舟楫所通莫不

賓服然而武王甲卒三千人擒之於牧野豈周民死節而殷民

背叛哉其主之德義厚而號令行也夫疾風而波興木茂而鳥集相生之氣也是故臣不得其所欲於君者君亦不能得其所求於臣也君臣之施者相報之勢也是故臣盡力死節以與君計君垂爵以與臣是故君不能賞無功之臣臣亦不能死無德之君君德不下流於民而欲用之如鞭蹶馬矣是猶不待雨而求熟稼必不可之數也數術

主術訓下

君人之道處靜以修身儉約以率下靜則下無擾矣儉則民不怨矣下擾則政亂民怨則德薄政亂則賢者不為謀德薄則勇者不為死是故人主好鷲鳥猛獸珍怪奇物金玉為珍詭異為怪非常為奇狡

道藏輯要

淮南鴻烈解

十四

虛集七

躁康荒

康安荒亂

不愛民力馳騁田獵出入不時如此則百官務亂

事勤財匱

勤勞匱乏

萬民愁苦生業不修矣人主好高臺深池雕琢

刻鏤黼黻文章絺綌綺繡寶玩珠玉

白與黑為黼青與赤為黻絺綌葛也精曰絺麤曰綌

五彩具曰繡也

則賦斂無度而萬民力竭矣堯之有天下也非貪萬民

之富而安人主之位也以爲百姓力征強凌弱眾暴寡於是堯

乃身服節儉之行而明相愛之仁以和輯之是故茅茨不剪采

椽不斷大路不畫

大路上路四馬車也天子駕六馬不畫不文飾也

越席不緣越結蒲爲席也

大羹不和

不致五味

粢食不穀穀細巡狩行教勤勞天下周流五嶽豈

其奉養不足樂哉舉天下而以爲社稷非有利焉年衰志憫

也憫憂也

舉天下而傳之舜猶卻行而脫蹤也

言甚易也

衰世則不然一